



Ukununga

Kalaallit Nunaanni assartuisartut
Kalaallit Nunaanni kommunit
Peqqinnissaqarfik

Allakkiami pineqartuq

Toqusut timaannik nunatsinni nunattalu avataanut angallassineq

Nunatsinni, nunatta nunallu allat akornanni toqusut timaannik angallassinerit ukiumut 20-it 30-illu akornanniipput. Toqusut timaannik angallassinermi illerfiit zinkimik sanaat akisuut oqimaatsullu atornerqartarput. Taakkulu aqerlorterneqareeraangamik ussissuunerat pissutigalugu atornerqartarlutik.

Toqusut timaannik angallassinermi zinkimik illerfeqartarnejq nunarsuaq tamakkerlugu peqqussusiornikkut maleruagassiugaavoq. Kalaallit Nunaanni danskit maleruagassaat 1983-imiillu atorsimavaat.¹ Taakku marluk danskit nappaatit tuniluuttut pillugit inatsisaannik Kalaallit Nunaanni atuutsinngitsumik tunngaveqarput. Kalaallit Nunaanni Nappaatit tunillaassortut akiorniarlugit iliuutsit pillugit Inatsisartut peqqussutaat nr. 20, 12. november 2001-imeersoq atuuppoq. Tassani § 24 naapertorlugu " Siunertat § 1-imi taaneqartut isumagineqarnissaannut tunngatillugu timinik toqungasunik eqqussineq annissinerlu kiisalu taakku nunami maani suliarineqarnerat angallanneqarmerallu pillugit malittarisassanik erseqqinnerusunik Naalakkersuisut aalajangersaasinnaapput." Inatsisitigut toqqammavissaq taanna atornerqarsimannngisaannartutut isikkoqarpoq.

Ullumikkut illerfinnut zinkimik sanaanut oqimaatsunut akisuunullu pitsaasunik taartissaqarpoq. Annoraassiassat toqusunik angallassinissamut IATA-mit (International Air Transport Association) silaannakkut assartuussinermi nunarsuaq tamakkerlugu malittarisassanik suliaqarsimasunit akuerisaapput. Tassalu ullutsinnut naleqqunnersut toqusunut pooritinneqartarput ussissut oqitsut avatangiisinullu ajoqutaanngitsumik eginneqarsinnaasut. Taakku nunatsinni toqusut timaannik angallassinerit ilaanni atornerqalereerput.

IATA ima oqaasertalimmik najoqqutassiaqarpoq/ "Guidelines on Handling of Human Remains"²;

"Human remains (HUM), except cremated, must be packed in a hermetically sealed inner containment which may be constructed of a flexible material or may be a rigid coffin of lead or zinc. The inner containment must then be packed inside a wooden or metal coffin"

Nunatsinni nakorsaanerup naliliinera naapertorlugu Kalaallit Nunaanni, Kalaallit Nunaata Danmarkillu akornanni toqusut timaannik angallassisarnerup siuliani pineqartut IATA-p maleruagassiai naapertorlugit ingerlanneqarsinnaanera akornutissaqanngilaq.

¹ Bekendtgørelse nr 152 af 14/04/1983 om behandling af lig - <https://www.retsinformation.dk/Forms/R0710.aspx?id=46183> samt Cirkulære nr 15480 af 26/09/1983 om transport af lig til og fra udlandet - <https://www.retsinformation.dk/Forms/R0710.aspx?id=46742>

² IATA Airport Handling Manual. AHM 333 Handling of Human Remains. <http://flexmort.com/wp-content/uploads/2013/06/IATA-Richtlinie--s.-155-AHM-333.pdf>

Toqusup timaata piumasaqaataasut naapertorlugit illersorneqarsinnaasumik pooqartinnissaa angallassisup nammineq qulakkeertariaqassavaa. Pisorta qarfiup timimik poorsisup tamatuminnga uppersaanissaa, angallassisup piumasarisinnaavaa. Kalaallit Nunaanni sumiiffiit akornanni, Kalaallit Nunaata Danmarkillu akornanni toqusut timaannik angallassinerni aanaveersaanissaq piumasaqaataanngilaq. Toqusut timaannik nunatta avataanut angallassinerni toqusup kinaassusaanut uppersaat ilanngunneqassaaq. Kalaallit Nunanniit nunanut allanut Danmarkuunngitsumut angallassinerni illerfennik zinkimik sanaanik atuinissaq asiunaveersaanissarlu pillugit nunarsuaq tamakkerlugu maleruagassat atuupput. Tamanna nunatsinni oqartussanit allatut maleruagassiunneqarsinnaanngilaq.

Nappaatinik nalinginnaasumik navianaatilinnik toqquteqarneq Kalaallit Nunaanni tunillaassortunik nappaalanersuaqarneranut ataatsimiititaliarsuarmut nalunaarutigisassanut ilaavoq.³ Taakku tamatigut Kalaallit Nunaanni tunillaassortunik nappaalanersuaqarneranut ataatsimiititaliarsuup aalajangersagai naapertorlugit iliuuseqarfigineqartussaassapput. Nappaatit nalinginnasumik ulorianaatillit Inatsisartut peqqussutaannut ilanngussami 1-imi.⁴ nassuiarneqarput.

Suliaq pillugu Peqqissutsimut Naalakkersuisoqarfik Nunatsinnilu Politimesteri oqaloqatigineqareerput.

Inussiarnersumik inuulluaqqusillunga

Inussiarnersumik inuulluaqqusillunga

Henrik L. Hansen

Nunatsinni nakorsaaneq

³ Kalaallit Nunaanni Nappaatit tunillaassortut akiorniarlugit iliuutsit pillugit Inatsisartut peqqussutaat nr. 20, 12. november 2001-imeersoq - <http://lovqivning.gl/lov?rid={735E01F6-IC0C-482C-AC2C-44558EEF5FA2}>

⁴ Bilag 1. Liste A. Alment farlige sygdomme. <http://lovqivning.gl/-/media/lovfiler/2001/tf-20-2001-bilag-l-dk-htm.ashx>